

Juni 15, 2020

www.awemainta.com

www.facebook.com/awemainta

noticia@awemainta.com

583-1400



AWE Mainta

SAVANETERONAN TA PIDI ATENCION PA CONSTRUCCION ILEGAL DI HOTEL

< Sigui lesa na pagina 2 >



Market Leader of Business Software in the Caribbean

Solutions for:

= Exact

- Finance
- Wholesale Distribution
- Professional Services
- HRM, CRM and BPM

VCC
International NV

*Supports All Your
Business Activities & Processes!*

Tel. 583-7072 | info@vcc-int.com | www.vcc-int.com

Savaneteronan ta pidi atencion pa construccion ilegal di hotel



DIASABRA atardi a tuma lugar un manifestacion di ciudadanonan di Savaneta preocupa cu construccion di Boutique Hotel, Aruba Ocean Village. A sali for di Centro di Bario y a para dilanti di e compleho cu lo bira e futuro hotel y vocifera nan mal contento. Tambe a entrega un manifiesto.

Jerry Schwengle, kende ta por lo menos un di e personanan cu a encabesa e manifestacion, a splica cu siman pasa nan a reuni y informa e bario kico ta pasando. Nan tin un carta pa Minister y cu esey kier wak pa haya atencion y cuminsa pone ordo bek atrobe.

Tin algo poni cu mester wordo haci y un hende mester pone su firma y ta haya nan lugarnan bek. Atrobe, traha sin permiso y no ta cuestion cu esey so ta wordo para y no tin respet pa ley, Schwengle ta cuestiona.

Minister Marisol Lopez Tromp a duna su oido caba, sinembargo a entreg'e un carta di parti di e manifestantenan.

Segun cu tin entendi, e propietario a menciona cu e ciudadanonan tin documentonan bieu. Den e siman cu a haci e simpel accion aki, a cuminsa bay riba medionan social, caminda cu nan a haya hopi reaccion. Pueblo no tabata sa kico ta pasando den nan sistema. Awor aki Schwengle ta contento di por educa nan y laga sa cu e cos aki no por.

Ley, unabes cu bo kibr'e, e ley ta keda cu bo a kibr'e y tin cu paga p'e. Por wel di ta documento bieu, pero te cu awe no tabatin un muestra cu tabatin of cu ta bay tin un vergunning. Den un reunion cu DIP a bin haya sa cierto cos.

Den e mesun rosea, a bin haya sa cu e propietarionan di e hotel tabatin opcion cu a caduca na februari. Ni riba optie e no tin. Cu cosnan asina, mester actua contra dje. No tin nada tampoco riba e parti di MER.

Tambe Schwengle menciona cu e propietario di e futuro hotel aki kier trah'e riba un propiedad di dje. Pa por traha algo, bo mester tin permiso y esey no por a demostra.

Na 2016 ta loke el a haci'e caba y na 2018 nan a bin cu un maneho nobo. Na 2020, Schwengle a bin lesa cu den e ROPV nan ta hinga Bungalows cu voorschriften. Ora a bay haci un research tin asina hopi cos cu ta cuminsa pone mas pregunta. Schwengle a nota cu e persona aki ta bezig tras di un cortina cu ningun hende no ta wak.

For di lama tin potret caminda cu backhoe ta core saca lodo y pone santo cu cosnan den e awa y esey no por.

Ora a haya e ROP, cual tin nan mannan mara, lesando esaki, mas e lodo a cuminsa hole mas malo.

Con por ta cu e propietario ta papia cu su proyecto ta pas den ROP. Ora bisa cosnan asina, luznan ta cuminsa cende. Tin mas cu solamente traha ilegal.

Ta manera un cos mucho bon hinca den otro. Conclusion ta cu na 2016 a traha contra ley. Mester drecha loke pone y esey ta loke ta bay pe.

Tin carta cu ta refleha cu loke ta bezig cun'e no ta bon y mester wordo intercepta dor di instancianan y esey no a sosode. Desde 2016 pa 2018, ta un management team tabatin den DIP. Tabatin cosnan cu a sosode cu no sa con a bay. Pero no bayendo den detaye Schwengle a menciona cu desde 4 año pasa, a traha ilegal, el a traha contra ley, pero tin cosnan cu el a mishi y esey mester wordo paga pe.

E plan p'e accion a crece mas di loke a kere. E plan tabata pa lanta e Minister encarga cu e situacion fo'i soño y duna nan un carta pa regla esaki. Pero mirando e sosten ricibi, e consehonan cu a haya, educa su mes un tiki mas, Schwengle a menciona cu el a haya algo cu ta krom y cu no por sigui asina.

Pa un trato discriminatorio

Tur warda di Polis a bay plat pa 2 ora

Prome reaccionn di Gobierno ta: SPA no por compara Polis cu trahadornan di Hospital



DESPUES cu Presidente di Sindicato di Enfermeria a haci bofon di e.o. demas sindicatonan alegando cu nan di ABV, via di su Presidente Gina Maduro a laga sa cu nan si a logra di mantene nan salario y lo cobranan vakantie-uitkering, a pone e.o. SPA rabia formalmente y a dicidi diasabra anochi di bay den accion di 2 ora.

For di 10:00pm tur 4 Warda di Polis, pues Oranjestad, San Nicolas, Santa Cruz y Noord a bay plat ora cu tur Polis a sali afo.

Joselito Dirksz, Presidente di SPA a bisa cu esaki ta danki n'e arogancia di Gina Maduro y Sindicato ABV, kende a yega n'e Gobierno actual, cu a logra regla pa nan no entrega nada di nan salario y lo cobra vakantie-uitkering.

Polisnan ta considera nan mes como frontliners den e periodo aki di Covid-19. Nan ta traha hopi biaha riba caya, ta atende hende cu kisas por ya contagia y riba dje mester a traha extra pa mitiga aumento di criminalidad debi na retonan economico cu a asota nos isla ora cu turismo a yega 0.

Gobierno a papia di solidaridad y cu tur hende mester entrega.

A start na empleadonan publico, Parlamentario y Ministerian. A sigui pa companianan estatal, pero Hospital, aunke ta depende 100% di AZV cu ta traha cu placa di belasting di pueblo, a haya "luz berde" pa no entrega.

Awor ta mustra cu ABV si a logra pa su miembronan, mientras cu tur otro sindicato, incluyendo SPA, a faya den negocia un bon "deal" pa nan miembronan. Como contesta Polisnan a sali mesora diasabra anochi mes pa demostra nan malcontento. Esaki ta djies e comienzo y por spera cu e siman aki, e accionnan lo intensifica.

SPA a haya sosten tambi di ex-Alto Comisario, Alwin Nectar, kende a laga sa cu: "P'ami Alwin Nectar, cu a traha den Cuerpo Policial di aspirant te cu Korpschef, por comprende e frustacion di e Polisnan. For di momento cu abo a haci bo escogencia pa drenta CPA, bo mundo a cambia por completo", asina e

ex Alto Comisario di Polis a scirbi den un comentario riba e noticia cu e sindicato SPA ta indigna p'e forma diferente cu Gobierno ta trata su empleadonan.

E discusion di ken ta "frontliner" a activa hasta Polisnan pensiona, cu a sinti nan mes yama pa sali padilanti y defende nan ex coleganan.

"Tur wooo ta dirigi diariamente riba Bo, durante y despues den bo ora liber. Locual otronan por haci sin ningun consecuencia abo si no por, pasobra bo ta Shon Polis. Pabo como Polis NO TIN NORMAL NOBO, ya cu e ta djis un expresion di moda pa un Polis. Nada no a cambia y lo no cambia pabo y lo bo tin di sigui wanta tur sorto di insulto, agresion violento, menasa verbal y cu arma contra bo y bo coleganan", Alwin Nectar a scirbi dirigiendo su mes n'e Polisnan cu awor ta den lucha pa ricibi un trato igual y husto for di nan dunador di trabou.

Gobierno por medio si Prome Minister Wever Croes a laga sa cu no por compara e trabao di enfermeria cu di un Polis. Esnan cu ta traha cu Covid ta core hopi riesgo y Polis no. Un opinion cu Polisnan sigur no ta comparti. Trabao di Polis ta mas duro cu uno di enfermeria.

Minister Dangui Oduber tambe a subi Facebook pa informa cu Hospital tambe ta solidario y cu nan lo entrega. Esey pa contene emocion di tur otro sindicato y departamentonan di Gobierno cu no a aprecia e trato preferencial cu Gobierno y AZV lo ta dunando Hospital.

Ta sinti cu ta "nan so" ta frontliners den e pandemia aki. Minister no a menciona kico e trahadornan di Hospital lo entrega, pasobra awe nan sindicato a gaba bou di nan miembronan cu nan si lo cobra dos salario e luna aki, tanto nan salario normal sin kita nada y nan vakantie-uitkering cu ta un luna extra (13de maand) di salario. Polis si a sa di uni unda na tur Warda di Polis a demostra nan malcontento p'e situacion. Pa dos ora largo, entre 10:00pm y 12:00am, lo no atende ningun asistencia comun.

A keda demostra cu tur Polis na warda, a demostra di ta para 100% tras di decision di nan sindicato. E forma con Gobierno ta trata un grupo y privilegia otro, no ta promove solidariamo sino mas bien ta causa division y ta aporta na polarisacion entre empleadonan publico.

Josito Dirksz, Presidente di SPA a anuncia cu tur dia lo intensiva e accionnan tanten cu Gobierno no recapacita y trata tur empleado igual y a subraya kico ta solidarismo bou di su empleadonan. Sea ta traha directamente bou Gobierno of indirectamente, manera t'e caso di Hospital.

SPA ta solidario cu e lucha, sea tur hende ta cobra "vakantie uitkering" of ningun ta cobr'e, pero e cuenta di un si y otro no, ta motibo pa escalacion di e accionnan sindical. Ya por a tende cu algun otro sindicato ta cla pa uni mes na posibel accionnan cu tin na caminda di e.o. SPA. Ya caba asina sindicato SINBA di Cuerpo di Bombero lo reuni awe den seno di nan directiva pa fiha nan posicion. Nan a wordo menasa, a tira nan cu klinker, a kibra nan trucknan durante pandemia y awor diripiente nan no ta categorisa Bomberonan mas como "first responders".

Sindicato SIMAR a manda informa riba Facebook di lo reuni internamente pa fiha un posicion nobo, awor cu Gobierno ta traha su trahadornan di forma desigual.

Unabes cu Polis nan a bay den accion pa 2 ora, Mando Policial a activa Mobiele Eenheid di Polis pa subi caya mesora y asina contene cualquier situacion cu por presenta. Alto Comisario interino Vanessa Tjon-Kock a pidi Gobierno pa aclaria e situacion aki pa evita escalacion y caba cu e intrankildad cu ta reinando awor aki entre e Polisnan.

E Alto Comisario di Polis a subraya cu Aruba ta pasando den momentonan di reto pa cu nos orden publico y criminalidad en general. E comportacion riba caya di un grupo den comunidad tambe ta laga di deseja. Ta pesey awor no ta momento p'e tipo di discussionnan asina, unda Polis ta demotiva y no ta dispuesto pa sirbi comunidad manera custumber.

Minister Andin Bikker:

Ta inicia inscripcion p'e prome curso di **Aruba Desk di Academia di Ley Caribense**



E Aruba Desk di Academia di Ley Caribense a habri inscripcion p'e prome curso pa 'Certified Legislative Lawyer'. Minister di Husticia mr. Andin Bikker: 'Leynan por wordo considera como 'software' di un pais: nan mester wordo actualisa continuamente pa por adresa retonan y crea oportunidadnan nobo a base di leynan moderno, eficiente y efectivo.

Debi na p.e. e retonan sin precedente di e Corona-virus ('COVID-19') ta sumamente necesario pa update varios di nos leynan y presenta concepto di leynan nobo.'. Den e cuadro menciona tur pais den Reino ta rekeri di mas hurista cu expertisio pa traha conceptionan di ley ('wetgevingscapaciteit').

Sinembargo tin hopi scarcedad di hurista cu dicho expertisio. Ta for di 2014 mr. Andin Bikker for di Parlamento a inicia esfuersonan pa a base di cooperacion den Reino Hulandes por yega na creacion di un Academia di Ley cual lo concentra pa train mas hurista den dicho expertisio.

Na 2016 un mocion presenta pa mr. Bikker cu dicho efecto a wordo acepta unanimamente den Parlamento. E concepto pa por yega na un Academia di Ley a bira un punto central di e maneho presenta p'e mandatario den presupuestonan aproba pa Parlamento di Aruba desde 2018, y Minister Bikker a trece e tema varios biaha dilanti den cuadro di e 'Justitieel Vierpartijen Overleg'.

Na februari 2020 Minister Bikker tabata di bishita na hermana isla Corsou pa apertura di Caribbean Centre for Legislation ('CCL'), cu a wordo funda pa colega Prom Minister di Corsou, sr. Eugene Rhuggenaath, prof. dr. Sjoerd Zijlstra y dr. mr. Flora Goudappel. Ey-nan Minister Bikker a keda introduci e concepto pa creacion di un 'Aruba Desk' di e Caribbean Centre for Legislation, y asina extende CCL pa por ofrece cursonan na Aruba tambe.

E Caribbean Center di Legislation di Universidad di hermana isla Corsou ya haci inicio di apertura di inscripcion siman pasa. Diabierna ultimo Minister Bikker a haya aprobacion final di Conseho di Minister di Aruba y conhuntamente cu Aruba Desk di e Caribbean Centre for Legislation y den cooperacion cu Universidad di Aruba, a habri inscripcion p'e prome curso di 'Certified Legislative Lawyer'.

Debi n'e COVID-19 e cursonan lo wordo duna pa medio di 'distance learning' cu uso di e.o. video conferencing. E idea ta pa por inicia e aña aki cu training di como 15 Certified Legislative lawyer.

Den cuadro di e Aruba Desk di Caribbean Centre for Legislation ademas tin plania pa den futuro cercano ofrece cursonan special ('tailor-made') pa por ehempel Parlamento, departamentonan di Gobierno y sector priva.

Minister Dangui Oduber

Ta lamenta cu AVP y Dowers ta contra desaroyo di San Nicolas!

Pier di Rodgers Beach ta di presupuesto di TPEF di año 2019



RECENTEMENTE Minister Dangui Oduber a anuncia cu lo cuminsa cu reconstruccion di e Pier na Rodgers Beach San Nicolas. Pa añanan largo e piernan aki tabata existi y despues nunca a ser manteni. Consecuentemente nan a deteriora y practicamente a desaparece.

Gobierno di Aruba a anuncia for di año pasa un masterplan integral pa yuda stimula turismo y economia na San Nicolas. Asina a habri e Oficina di Turismo Visitor Information Center cu a resulta un exito den e cantidad di turista cu ta bishita e oficina aki. A cuminsa cu Island Fest cu tabata e festival cultural di mas grandi na Aruba. Tambe tabatin e groundbreaking di e proyecto di Baby Beach, pero debi na Covid-19 ainda no a cuminsa.

Nos ta kere firme den e desaroyo di San Nicolas y esaki lo t'e futuro pa turismo di Aruba.

Minister Dangui Oduber ta demostrando cu hechos y no palabra cu e ta kere den e desaroyo di San Nicolas. Ta pesey a presupuesta e proyecto di renobacion di pier na Rodgers Beach den e presupuesto di Tourism Product Enhancement Fund di año 2019.

A tuma nota con partido AVP y Arthur Dowers a caba cu e proyecto aki y no kier p'e proyecto aki continua.

Nos ta lamenta profundamente con partido AVP y Parlamentario Dowers ta critica un proyecto asina bunita pa San Nicolas.

Ta parce cu San Nicolas no merece y no tin derecho riba desaroyo. Ta parce pa Dowers y AVP cu San Nicolas mester keda wordo neglissa. Awor berdad ta cu durante 8 año di gobernacion di partido AVP nunca San Nicolas a haya e atencion cu e merece.

Pa AVP semper San Nicolas tabata “the forgotten city” y awe un biaha mas Arthur Dowers y AVP ta demostra cu nan partido ta CONTRA San Nicolas y e desaroyo cu nos kier trece p'e districto aki.

Ta importante pa menciona cu e proyecto di pier na Rodgers Beach ta un proyecto cu lo mester a cuminsa di año 2019 y e ta bin di un begrottingsfonds apart cu e t'esun di TPEF 2019. No ta trata di ningun compromiso nobo y debi n'e situacion di Covid-19 caminda a para construccion e proyecto no a cuminsa prome.

Nos SI ta kere den San Nicolas, nos si ta na fabor di un desaroyo economico na San Nicolas y nos ta condena expresionan haci pa Dowers cu kier laga San Nicolas left behind manera semper nan partido AVP a haci.

E proyecto di pier aki NO ta uno costoso, pero si lo tin un impacto grandi pa San Nicolas.

E impresion cu a wordo crea pa Dowers y AVP ta comosi fuera e reconstruccion di e pier aki costa miyones.

Minister Dangui Oduber ta manda un mensaje cla pa Dowers, no bruha entre Gobierno. Esaki ta un Gobierno serio, responsabel y un Gobierno cu a pone e hende central.

Ta kende Dowers ta kere ta bay traha e pier? Ta hende lo traha e pier aki y e hendenan aki tambe tin nan familia cu nan mester cria. Nan ta Arubiano cu tambe tin derecho.

E Gobierno aki NO ta derocha placa manera esun di AVP. Ohala AVP no a gasta e biyones nan na cosnan inecesario cu awe nos lo por tabatin e fondonan aki pa yuda pueblo mas mihor. Danki n'e maneho desatioso di AVP awe e situacion ta mas dificil aun. Nan no a percura pa crea buffer pa pais Aruba.

Nos tur ta consciente di e situacion dificil cu pais Aruba t'aden y pesey Gobierno a asumi su responsabilidad pa brinda esnan sin trabou sea Fase of Loonsubsidie, segun Minister Dangui Oduber.

Minister Xiomara Maduro ta duna un update di subsidio di salario pa luna di juni

Companianan cu tin fondo por paga 100% di salario di empleado



UPDATE SUBSIDIO DI SALARIO PA LUNA DI JUNI 2020

03 Pa luna di juni e compania mester obtene firma di tur trahado cu ta bay di acuerdo cu un reduccion di 'arbeidsomvang' di minimal 20% y (upload) e formulario firma bek den e portal MiSVb. E formulario 'Akkoordverklaring arbeidsomvang vermindering' ta obtinen riba e portal di MiSVb.

04 Nos ta pidi tur compania pa yena e formulario di aplicacion y manda esaki hunto cu e formulacionan firma di 'Akkoordverklaring arbeidsomvang vermindering' pa MiSVb pa por bin na remarke pa e Subsidio di Salario.

UPDATE SUBSIDIO DI SALARIO PA LUNA DI JUNI 2020

DEADLINE PA ENTREGA DI PETICION PA SUBSIDIO DI SALARIO PA LUNA DI JUNI:

- 19 di juni 2020
- Pago lo por keda efectua entre 26 y 29 di juni 2020

UPDATE SUBSIDIO DI SALARIO PA LUNA DI JUNI 2020

Subsidio di Salario	Total
Cantidad di negoshi vulnerabel	3.232
Cantidad di peticion	1.656
Cantidad di negoshi subsidia	1.648
Cantidad di negoshi feta pa paga	8
Cuenta di banco no conoci	4
Cantidad di pago rechasa	4
Cantidad di trahado	26.802
Suma Subsidio di Salario	AWG. 46.399.106

ULTIMO UPDATE DI CIFRA - 11 DI JUNI 2020

UPDATE SUBSIDIO DI SALARIO PA LUNA DI JUNI 2020

01 Dia 3 di juni companianan cu ta bin na remarke pa aplica pa Subsidio di Salario di Gobierno di Aruba pa luna di juni 2020 a ricibi un notificacion di SVb via di email cu informacion tocante Subsidio di Salario.

02 E notificacion ta contiene un link pa portal digital di MiSVb riba cual e compania ta ingresa den e portal segun su credencial pa por yena e formulario completamente y despues primi e boton 'Entrega Peticion'.

UPDATE SUBSIDIO DI SALARIO PA LUNA DI JUNI 2020

REDUCCION DI TRABOU 'ARBEIDSOMVANG'

- Acuerdo por escrito entre dunado di trabou y trahado riba con ta yena e 40%
- Dunado di trabou por complementa subsidio te cu 100% di pago di salario di e trahado

DURANTE un conferencia di prensa Minister Xiomara Maduro a duna un update di e Subsidio di Salario y a splica tocante e flexibilisacion di Subsidio di Salario.

Cantidad di Subsidio di Salario otorga na luna di mei 2020

E mandatario ta informa cu tin un cantidad di 3.232 negoshi vulnerabel na Aruba cu a wordo afecta p'e crisis di COVID-19. SVb a ricibi un cantidad di 1.656 peticion, di cual 1.648 compania a ricibi Subsidio di Salario. SVb falta di paga 8 compania ainda, di cual 4 compania nan cuenta di banco no ta conoci y 4 compania nan pago a ser rechasa.

Un total di 26.802 trahador a ricibi un Subsidio di Salario na luna di mei cu ta suma un montante total di Afl. 46.399.106=

Flexibilizacion Subsidio di Salario

Na inicio di e programa di Subsidio di Salario, e mandatario a anuncia cu Gobierno di Aruba ta otorga un maximo di 60% di e gasto di salario y e trahador ta entrega 20% di reduccion di oranan di trabou. Den e parti di reduccion di orario di trabou ('arbeidstijdverkorting') cu ta un condicion di CAFT tabatin varios interpretacion.

Den un reunion tripartite cu gremionan comercial, sindicato y departamentonan di Gobierno a yega conhumente na un acuerdo pa flexibilisa e condicion riba reduccion di oranionan di trabou.

E acuerdo aki ta encera cu e dunador di trabou y e trahador mester yega na un acuerdo mutuo por escrito con ta cubri e resto di e 40% di salario. Esaki ta nifica tambe si un compania tin e fondonan necesario pa por cubri e resto di e 40%, e compania por paga 100% di salario di e trahador.

UPDATE SUBSIDIO DI SALARIO PA LUNA DI JUNI 2020

FLEXIBILISACION SUBSIDIO DI SALARIO

- **CATEGORIA 1:** Dunado di trabou cu a entrega peticion caba cu e formulario di reduccion di 20% y cu **no** ta desea flexibilizacion; No mester tuma ningun accion mas y por warda e evaluacion riba e peticion.
- **CATEGORIA 2:** Dunado di trabou cu a entrega peticion caba cu e formulario di reduccion de 20% y cu **si** ta desea flexibilizacion; mester haya un lista nobo pa por aplicar e flexibilizacion. E grupo aki tin cu manda un email na lsflex@svbaruba.org y solicita un lista nobo pa nan yena. E lo ricibi un lista nobo y mester debolbe esaki yena y firma pa trahadornan cu ta acepta e condicion na lsflex@svbaruba.org.

UPDATE SUBSIDIO DI SALARIO PA LUNA DI JUNI 2020

FLEXIBILISACION SUBSIDIO DI SALARIO

- **CATEGORIA 3:** Dunado di trabou cu **no** a entrega peticion ainda y cu **no** ta desea flexibilizacion; Ta sigui e procedura riba MiSVb.
- **CATEGORIA 4:** Dunado di trabou cu **no** a entrega peticion ainda y cu **si** ta desea flexibilizacion; Tin cu manda un email na lsflex@svbaruba.org y solicita un lista nobo pa yena. E lista nobo yena y firma ta keda uploaded riba MiSVb na momento di completa su aplicacion.

4 Categoria di Flexibilisacion

Desde 3 di juni 2020 tur compania cu ta bin na remarke pa un Subsidio di Salario di Gobierno di Aruba pa luna di juni 2020 a ricibi un notificacion di SVb via email. SVb a dividi e dunador di trabou den 4 categoria di flexibilisacion:

Categoria 1:

E dunador di trabou cu a entrega e peticion pa Subsidio di Salario caba cu e formulario di reduccion di 20% y no ta desea flexibilizacion. E compania aki no mester tuma ningun accion y mester warda riba e evaluacion di su peticion.

Categoria 2:

E dunador di trabou cu a entrega su peticion y su formulario di reduccion di trabou di 20% y cu si ta desea flexibilizacion. E compania aki mester manda un email na lsflex@svbaruba.org y solicita un lista nobo y debolbe esaki yena y firma pa trahadornan cu ta acepta e condicion y email esaki na lsflex@svbaruba.org

Categoria 3:

E dunador di trabou cu no a entrega un peticion ainda y cu no ta desea flexibilizacion; ta sigui e procedura riba MiSVb.

Categoria 4:

E dunador di trabou cu no a entrega un peticion ainda y cu si ta desea flexibilizacion, tin cu manda un email na lsflex@svbaruba.org y solicita un lista nobo pa yena. E lista nobo yena y firma ta keda uploaded riba MiSVb pa completa cu aplicacion.

Deadline pa entrega peticion a bira 19 di juni 2020

E fecha pa entrega e peticion pa Subsidio di Salario ta bira diabiera **19 di juni pa 12or di anochi**. E mandatario ta informa cu CAft a manda su recomendacion pa Conseho di Minister di Reino Hulandes cu Aruba ta cumpli cu e condicionnan necesario p'e Subsidio di Salario.

Esey ta haci posibel cu pa diamars Aruba lo ricibi e fondonan di Subsidio di Salario. E pagonan di Subsidio di Salario lo ser efectua entre 26 y 29 di juni 2020.

Gradicimento

E mandatario ta gradici SVb cu ta trahando riba implementacion di e Subsidio di Salario y ta yama un danki tambe n'e Taskforce cu ta trahando riba e programa di Subsidio di Salario.

Aruba.com e fuente oficial pa nos bishitantenan y socio den turismo

Referi n'e website pa tur informacion di rekisitonan pa cu nos re-apertura



DESPUES di diarazon ultimo na unda cu a ser anuncia cu fronteranan lo wordo habri gradualmente, mesora Aruba Tourism Authority a sigui cu su “reopening strategy” activando e siguiente etapa unda Aruba lo habri y unda mester comunica tur rekisito na bishitantenan, spcionan den turismo y nos comunidad.

Durante henter e crisis di Covid-19 A.T.A. por medio di su unidad di comunicacion a asegura cu media internacional y tambe spcionan local y internacional den turismo tabata na altura di tur e desaroyanan encuento e medidanan y tambe con Aruba tabata maneha e situacion.

Esaki a sosode por medio di diferente canal manera e.o. webinars, social media, update cu tabata sali den forma di “newsletter” y comunicacion di prensa.

Constantemente e website oficial di Aruba, www.aruba.com, tabata wordo actualisa cu informacion relevante pa entre otro e turista cu tabata kier a keda na altura di loke ta pasando na Aruba.

P'e reapertura durante varios siman e ekipo di A.T.A. a bin ta traha conhumente cu tur instancia concerni p'asina tin tur informacion disponibel. Aki a enfoca riba e “customer journey” di e bishitante for di momento cu e dicidi di bishita nos isla te cu ora e yega y ta moviendo riba nos isla.

Internamente, A.T.A. ta califica e etapa aki di e “reopening strategy” como esun di ‘Bonbini’, unda e destino ta preparando pa yama su bishitante nan un caluroso bonbini.


Aruba ta “open for happiness” y ta cla pa duna e mesun bon servicio y hospitalidad y sigur brindando e seguridad di higiena n'esnan cu lo ta considerando Aruba pa nan vacacion.

E mensahenan riba e plataformanan social di Aruba tambe ta enfoca y ta alinea cu e strategia di comunicacion aki.

Aruba.com a ser completamente adapta y ta enfocando riba diferente aspecto manera e “Aruba Health & Happiness Code”, un pagina cu ta dedica na 8 “unique selling points” ilustrando pakico bishita Aruba y tambe un pagina dedica como guia cu ta inclui informacion di ora cu e turista book su vacacion te cu despues di su yegada.

Y hopi importante ta e pagina cu ta inclui informacion actualisa y detaya referente e rekisitonan di entrada y tambe kico un turista mester haci na momento cu e sinti su mes malo.

Riba aruba.com tin un foro unda ta contesta pregunta di turistanan/duna informacion y tambe ta haci uso di un sistema pa brinda contesta riba pregunta nan. Esaki ta mara na Artificial Intelligence, permitiendo nos ekipa nos mes mas mihor ainda cu informacion necesario. Tipo di servicionan aki tabata parti di e plataforma aki caba y ta sigui hunga un papel clave den e etapa di reapertura. A.T.A. kier a haci un apelacion na un y tur cu ta hayando pregunta di nos bishitantenan referente e habrimiento di frontera pa referi un y tur na www.aruba.com cu tin informacion actualisa y oficial.



Parlamentario Alan Howell (POR)

Por lo menos 37 mil hende sin salario, cos mester cuminsa draai bek



Club Kibrahacha ta busca voluntario

Bo kier contribui na un meta social y noble?

Bo kier tin contacto cu hende di diferente generacion y cultura?

Bo kier hasi un diferencia den bida di nos grandinan?

Bo kier yuda preveni soledad y isolacion bou di nos grandinan?

YAMA NOS NA
582-8159 / 588-3131

MISION Y VISION
Club Kibrahacha 60+ ta un centro di actividad unda nos grandinan full rond di Aruba por bin entretene nan mes y tambe socialisa cu otro.

Bin join nos team



Parlamentario Alan Howell (POR) comentando riba reapertura di nos fronteran ta hopi cla den su opinion, e ta considera cu cosnan mester cuminsa draai bek.


Howell ta bisa cu su mayornan no a lante cu style di egoista y no ta pasobra su salario te ainda ta sigura e no tin cu worry cu esnan cu si a perde of ta den perdenan salario.

“Tin por lo menos 37 mil persona sin trabou y cu ta depende specialmente riba turismo. Con por ta posibel cu mi por ta contra pa habri nos Aeropuerto bek den diferente fase?”

E ta consciente cu nos ta core e risico di importa un biaha mas Covid-19 na nos isla, pero na mes momento mester por sa bon cla cu si no habri nos fronteran den forma controla manera a planea caba, no lo por sobrevivi na Aruba.

“Cos mester cuminsa draai bek mensen. Slowly but surely”, e Parlamentario a conclui.

Polis cu man yen cu publico cu ta keda atras na Linear Park despues cu negoshinan cera tambe tin establecimiento cu no ta cera na ora stipula



DIABIERNA anochi manera ya a bira custumber desde cu a kita Toke di Keda, Polis tin man yen, pa kibra aglomeracion di grupo.

Esaki casi semper ta cuminsa na Sandra's Garden, unda cu despues e negoshinan cera e publico no ta bandona e sitio. Pero ta kies pa keda riba e parkeerplaats consumiendo alcohol y tocando radio.

Diabierna nochí ultimo no tabata diferente, unda cu varios patruya a presenta pa mustra e publico caminada di cas.

Cas Casuela

Despues di Sandra's Garden, e patruyanan a bay Cas Casuela, unda cu 11'or a pasa y e establecimiento a keda habri. Polis atrobe mester bay bisa nan pa cera, siendo cu e Gobierno a stipula un ley cu tur lugar mester cera 11'or di anochi. Pero por mira cu tin establecimiento cu ta kies pa deliberadamente keda habri te ora Polis bin cera nan.

Kizas si Gobierno hunto cu Ministerio Publico stipula un boet basa riba tres strike y bo ta out, lo por mira cu doñonan di e establecimiento nan nocturno por cambia nan postura.

Eagle

Na Eagle Beach tambe Polis mester a hala atencion di un grupito, y unabes cu mira e patruyanan di Polis cu zwaailicht cendi, nan sa cu ta ora pa move.



PARTICIPACION IMPORTANTE

En conexion cu e situation actual di e Virus Covid-19 nos di AWEMainta ta pidi cooperacion di nos clientenan, pa tuma contacto cu nos via nos e-mail nan;

noticia@awemainta.com
toko@awemainta.com.

Sales via sales@awemainta.com.


Of via nos telefoon; 583-1400.

Tambe nos ta pidi cooperacion pa por haci tur pago via Online Banking.

Pago nan por wordo haci via nos cuenta bancario di **CMB # 22982600**.

Danki pa e cooperacion di semper.

Dama bou influencia riba caminda di Bubali



Liña di telefon pa 60+

280-0505

GRATIS

8 OR DI MAINTA - 8 OR DI ANOCHI

BAN COMBERSA Y NO PREOCUPA

www.freepik.com


DIASABRA algo pasa di mey anochi Polis a bay na altura di Cheng's Supermarket door cu tin un dama bou influencia cerca di caminda. Polis a wordo pidi pa bay un poco liher, debi cu e dama ta cerca di caminda y auto lo por dal'e. Den algun minuut Polis a yega y a constata cu e dama ta hopi bebi.

E dama tabata keda bisa cu e kier bay cas. Automobilistanan cu tabata pasa y para mira kico ta pasando e tabata cana bin na auto y pidinan pa hibe su cas.

E parti aki tabata esun peligroso, debi cu si ta un persona cu mal intencion lo por lage subi cu un final no bon.

Polis a papia cu ne un rato y despues a pidi pa Transportwagen. Na yegada el a subi y nan a bay direccion warda di Shaba.

Fiesta clandestino den Well Well Bar Restaurant para dor di Polis



DIASABRA madruga l'or patruya di Santa Cruz hopi atento a spot algo na Well Well Bar Restaurant cu a hala nan atencion. Rond di e establecimiento na un manera tactico tabatin masha hopi auto staciona.

Ora Polis a bay controla mas profundo a bin ripara cu aunke e lugar ta mustra completamente cera, paden tin hende.

Mesora a pidi asistencia di mas patruya y a manera esakinan a yega a bay over na bati n'e porta parti pabou di e bar restaurant.

Eynan un cabayero a habri e porta, y a splica Polis cu ta un fiesta priva e ta, parce cu tabata trata di un fiesta di hacemento di aña. Despues e doño un dama Chines a presenta n'e porta tambe, y a splica Polis cu e cabayero ta su amigo etc etc.

Polis na nan turno a splica e ambos cu esaki no ta permiti y cu tur hende mester bandona e lugar. E dama Chines a pidi Polis sorry y cu e lo no pasa mas.



Un grupo di Polis a dreinta paden y asina percura pa tur hende sali. Den un rato por a mira un cantidad grandi di tanto homber y muher sali y subi nan autonan bay.

Esakinan ta situacionnan cu Polis mester deal cu ne tur weekend, desde cu a kita TdK.

Aki ta mira cu no ta trata di e publico solamente cu no ta bay nan cas ora e establecimiento cera, pero doñonan cu ta cera porta dilanti, pero ta keda draai pa gana mas placa.

Ta keda den man di Gobierno y Ministerio Publico pa fiha un sancion, sino tur weekend lo tin e mesun problema.

Accidente cu dos persona herida n'e spiral rotonde dilanti Aeropuerto



DIABIERNA den oranan di anochi presencia di Polis y ambulance a wordo pidi n'e spiral rotonde dilanti di Aeropuerto, pa un accidente cu a sosode y den cual tabatin dos persona levemente herida.

Na yegada nan a bin topa cu un Suzuki Swift y un Kia Optima y a bin comprende cu e dama chauffeur di e Suzuki Swift a subi caminda y a dal contra e Kia Optima. Den e impacto fuerte dos persona a keda levemente herida y personal di ambulance mester a haci un checkeo medico cu ambos persona n'e sitio.

Polis di Trafico tambe a presenta pa haci mas investigacion.

Di Arashi pa Fisherman's Hut, Polis a move cu grupo di hoben




DIABIERNA anochi pa mas o menos 10'or Strand Politie a wordo manda altura di Fisherman's Hut, unda cu lo tin un fiesta andando compaña pa aglomeracion di hende. A bay asina leu cu te hasta a papia hendenan canando sunu, pero na yegada no a ripara nada.

Na yegada di Polis, nan a topa e mesun un grupo di hobennan cu algun rato prome tabata na Arashi. Na Arashi nan lo tabata cla pa “throw a party”, pero Polis a splicanan cu esaki no ta posibel.

Pero, na lugar cu e hobennan aki bay nan cas nan a scoge pa bay mas pazuid, esta na Fisherman's Hut. Kizas nan lo a pensa cu na Arashi no ta permiti, pero mas pazuid si. Polis a splica nan un ke otro y e biah ey si nan mester a busca caminda di cas.

Por ultimo Polis a adverti nan riba e consecuencianan si nan mester bolbe.

Establecimentonan ta cera, pero publico ta keda bebe riba parkeer plaats



DIADOMINGO madruga un biaha mas Polisnan a bay Sandra's Garden p'e problema di tur weekend, despues cu a lanta TdK.

Establecimentonan ta cera of tin biahanan ta mustra cera, pero paden tin hende. Pues ta casonan cu ta pasando tambe. Diadomingo madruga Mobiel Eenheid di Cuerpo Policial tambe a yega na Sandra's Garden.

Un biaha mas den un manera ordena tur hende a cuminsa subi nan auto y bay di e sitio.

Pero no mester t'asina tampoco cu tur weekend Polis mester yega Sandra's Garden pa bisa tur hende riba e parkeer plaats pa bay nan cas.

Di e mesun manera aki Polis huntu cu Mobiel Eenheid a pasa n'e sitionan cu tin aglomeracion di hende y manda tur cas.

Accidente serio na Hooiberg a laga dos persona herida atras



DIABIERNA anochi laat caminda di Hooiberg pa Santa Cruz a tranca, esaki tabata debi na un accidente di trafico frontal.

Na yegada di Polis nan a topa cu un Nissan Cube shinishi y un Kia Picanto cora. E Nissan Cube tabata pega contra cura di un cas y e Kia pega contra e Nissan Cube.

Pafo di e Nissan e chauffeur tabata riba su barica kehando di hopi dolor. Banda pabou tabata chauffeur di e Kia Picanto kende ta un dama, e tambe a resulta herida, pero no di gravedad.

Dos ambulance a presenta n'e sitio y Paramedicos a opta pa hiba ambos persona uno mas herida cu e otro pa Hospital.

Departamento di Trafico lo tin e tarea di investigacion a exactamente a sosode.



Participacion

The screenshot shows the AWEMainta website homepage. At the top, there's a banner for COVID-19 news. Below it, there are sections for LOCAL news (Aruba), INTERNACIONAL news (International), and other news categories like POLITICA, SUESO, DEPORTE, and INTERNACIONAL. There are several news articles with small thumbnail images and dates. A sidebar on the left shows a local news item about Aruba having 4 COVID-19 cases.

The screenshot shows the AWEMainta Facebook page. It features a profile picture with the text "AWE Mainta". The page has 583 likes and 17 interactions. A post from "AWEMainta" dated March 16, 2020, at 22:35, is displayed, mentioning the government's response to COVID-19. The post has 13,591 likes and 13,775 shares. The right sidebar shows information about the page, including its creation date (October 8, 2009) and links to its website and transparency page.

TUMANDO masha na serio e caso di COVID-19 (Coronavirus) na Aruba y sigui cu recomendacionnan di Gobierno, gerencia di AWEMainta ta ofrece tur esnan cu kier sigui noticia, pa registra pa recibi tur dia, sin mester di sali for di nan cas AWEMainta, GRATIS. Y asina ta keda altanto di loke ta pasa na Aruba y rond mundo.

Ta pesey AWEMainta como e prome corant digital tin e circulacion mas grandi. Bisando esaki, nifica cu tur esnan cu ta desea di pone nan advertencia den AWEMainta, nan ta mas cu bon bini. Nos tin tarifanan masha economico, pa yudabo cu bo benta.

Banda di e corant digital, tur hende por sigui e noticianan di AWEMainta riba nan website y tambe via nan facebook.

Djies type www.awemainta.com

Tur hende cu ta desea pa manda nan noticia y/of nan advertencia, por haci esaki mandando esaki na noticia@awemainta.com.

Y asina lo yudabo keda den contacto cu tur persona cu abo ta desea.

Laga AWEMainta t'e vehiculo di bo contac-tonan.

Danki p'e confianza

Gerencia di AWEMainta



Morto den tráfico

WILLEMSTAD - Relacioná cu un accidente di tráfico grave cu a tuma lugar dia 7 di jüni último alrededor di 21.26'or riba Schottegatweg-Noord na altura di un establecimiento cu ta bende 'por mayor', e chofer enbolbí den e accidente a fayecé.

Riba e fecha en cuestión un hòmber cu tabata conducí un vehículo riba e caminda ariba mencioná, probablemente pa motibo di exceso di velocidad, a pèrdè control riba su stuur.

E vehículo a bòlter diferente biaha y a consecuencia di esaki e chofer a resultá riba caya.

Den un situacion critico a transportá e chofer pa sala di emergencia di C.M.C.

Diasabra 13 di jüni alrededor di 12.38'or, Central di Polis a ricibí informacion, cu e víctima cu tabata enbolbí den e accidente aki, a fayecé a consecuencia di e múltiple lesionnan cu el a sufri.

Polis ta dispone di identificacion di e persona, pero no por duna esaki liber ainda, ya cu mester caba di informá famia promé.



Destruccion, violacion di ley di arma di candela y detencion

WILLEMSTAD - Diabièrnè 12 di jüni 2020 alrededor di 22.29'or, Central di Polis a dirigí un unidat pa Souax, na unda un hòmber lo a destruí bentana di auto di su ruman cu intencion pa kima e auto.

E hòmber aki lo tabata den posicion di arma di candela tambe.

Na yegada di e unidad el a bin topa e sospechoso, e **hòmber S.W.F. di 26 año di edad nace na República Dominicana** kende a cometé e destrucción y cu tabatin un arma di candela cu Polis a confiscá.

A detené e sospechoso y presenté dilanti di un Fiscal auxiliar kende a ordená su encarcelacion pendiente di mas investigacion.

Royal Aurora
Funeral Home & Crematory

Mi ke alabá SEÑOR tur tempo,
Su alabanza lo no kita fo'l mi boca,
Mi alma ta gloria den SEÑOR,
Laga humildenan bin tende y gosa.
Canta grandesa di SEÑOR huntu cu mi,
ban alabá SU Nomber tur huntu!

Salmo 34

Cu dolor na nos curason,
nos ta anuncia fayecimento di nos ser stima:



Efraim Tromp

Mihor conoci como "Balaguer" of "Du"
*18-06-1935 - †10-06-2020

Acto di entiero lo wordo anuncia despues



Cu inmenso tristeza s.v. **Aruba Juniors.**
ta participa fayecimento di **Efrain Tromp**
Na bida tata di nos president Luis Tromp
Nos ta desea tur famia hopi forsa
den e dianan dificil aki.

Gang a saca arma pa un persona ora e tabata saliendo for di supermercado na Noord



"Dios ta amor...y amor ta Dios,

Maske mi no ta na e mundo aki, tur dia lo mi ta banda
di boso curazon, mi por stens di loke Señor ta hasi"

Salmo 33

Cu inmenso tristeza na nos curazon, pero confirme cu Dios Su boluntad, nos ta anuncia fayecimento inesperadamente di:



Mickel Sigfried Tromp

Conosi como DJ Mike/Organizador di Torneo Annual di Bowling
*10-09-1969 - †09-06-2020

Na nomber di:

Su yuinan: Mitchell Tromp
Christian Tromp & Valerie van Dongen

Su mayornan: Sonny & Raquel Tromp-Diaz

Su ruman: Rachelle Tromp

Su subrinonan: Sharely & Ericson Croes

Su tantanan y omonan:

Jeta & Juan de Cuba-Tromp y famia
Helena & Buchi van den Berg-Tromp y famia
Carmita Tromp y famia
Alberto Tromp y famia
Tilo & Mimi Tromp y famia
Joon Tromp y famia
Lica & Frans Rodriguez Do Vale y famia
Olga & Nemencio Kock-Diaz y famia
Yolanda & Henk Chai y famia
Myrta & Michael Peterson y famia
Orlando Diaz y famia
Ruben & Esther Diaz-Ruiz
Lilia Diaz y famia
Donald Diaz & Mary Yagua

Mama di su yuinan: Rosie Maduro

Su prima y primoran: Edson, Jeffrey, Edgar, Gilbert, Randolph, Xiomara, Anduare, Darcy, Marisol Junior, Jeslin, Jonathan, Salomon, Johnny, Eugene, Josy, Joanne, Veronica, Mandy, Kevin, Ryan, Jason, Lisette, Anwar, Brandon, Cyrielle, Lillienne, Darrell,

Donna-Lee

Su madrina: Carmita Tromp

Su padrinonan: Jossy Figaroa & Michael Peterson

Demas famianan na Aruba; Hulanda y Venezuela : Tromp, Diaz, Kock, Chai, Peterson, Ruiz, Yagua, van den Berg, de Cuba, Jansen, Rodriguez Do Vale, Maduro, Laclé, Trimon, Kelly, Carillo, Matos, Croes, Vinck, Marchena, Pardo, Weffer, Hernandez; Flanegin; Donata; Werink; Ibrahim; comer y compernan, amigonan, bisiñanan y conocirnan, coleganan di Dienst Brandweer Aruba, miembranon y ex-compan eronan di Bubali Sport Club, ex-coleganan di Golden Tulip Hotel y Arumil, ex-compan eronan di Banda S.E.D.; Eddy Tec y Grupo di Dande Ben Trimon/Los Hermanos; Fermin's Boys y Maddogs Bilard Team; su amigonan di Comunidad Portugues na Aruba, ta invita pa acto di entiero cu lo tuma luga diamars 16 di juni 2020 na Misa Santa Anna na Noord. Di 1:00 pa 4:00 di atardi tin oportunidad pa condolencia y pa 4'or lo tin un response. Despues lo hiba "Mickel" na su ultimo lugar di sosiego na Santana Catolico di Noord. Nos ta pidi nos disculpa cu despues di entiero nos no por ricihi bishita di condolencia na cas. Disculpa nos si den nos tristeza nos por a lubida un of otro persona. Paz na su restonan.



"Señor ta mi wardador, mi'n tin falta di nada
Den cunucu di yerba berde e ta pone mi sosega.

E ta hiba mi na awa trankil,
Pa mi bolbeña forsá"
Salmo: 23

Nos ta anuncia fayecimento di:



Carmen Erasmus

*04-11-1936 - †12-06-2020

Acto di entiero lo wordo anuncia despues.

Rest in Peace

DIASABRA den careda di 2 or di merdia, un persona a drenta un supermercado na Noord pa cumpra algo. Ora el a sali, el a wordo confronta pa un gang cu lo a saca arma pa su persona.

Mesora a pidi pa presencia di Polis y na yegada nan cuminsa cu un investigacion.

Polis, Slachtofferhulp y Departamento Tecnico di Polis a presenta n'e sitio.



"Señor ta mi wardador, mi'n tin falta di nada
Den cunucu di yerba berde e ta pone mis osega.

E ta hiba mi na awa trankil,
Pa mi bolbe haña forsá"
Salmo: 23

Nos ta anuncia fayecimento di:



Alfredo Stede

Mihor conoci como Freddy
*03-03-1939 - †12-06-2020

Acto di entiero lo wordo anuncia despues.

Di acuerdo cu Booshi Wever

E problema di partido POR ta un muestra di falta di integridad den Gobierno y den coalicion!

ARUBA ta expericiando retonan grandi cu ta rekeri un gobernacion firme y stabil, pero lo contrario ta tumando lugar. E gobernacion actual ta den un impase y no pa motibo di e pandemia so. Loke a premira for di comienso di e formacion di e coalicion a bin resulta berdad.

Pa proteha continuacion di gobernacion, partido MEP y RED a acepta pa wordo manipula dor di Otmar Oduber. Te hasta awor cu supuestamente Oduber ta insisti cu e no ta den POR mas y cu el a sali for di politica, tog e Gobierno y principalmente e partido mayoritario den coalicion parce di ta para tras di e ex-mandatario. E motibo di esaki ta pasobra ta considera Otmar Oduber persona clave di partido POR te ainda. Sin su “blessing” no tin Gobierno, pasobra tur hende sa cu keto bay e ta doño principal hundo cu un grupo di sponsornan di e partido y cu su instruccionnan mester wordo sigui “al pie de la letra”, segun analisis di Booshi Wever di UPP.

Ta hopi bisto cu interesnan aheno ta purba di wanta e Gobierno aki den poder. Esaki a wordo claramente demostra dor di e reaccion di nos Prome Ministro cu e “royement” di sra. Lopez-Tromp ta un problema di POR. Y despues cu a yama sra. Lopez-Tromp pa tur sorto di cos ata ta bin cu un “comision di intermediacion”, esaki obviamente pa gana tempo.

Pero esaki no ta un problema di POR so, manera Premier ta pretende. E problema aki t'e motibo principal pakico Aruba ta den e situacion financiero-economico actual como tambe e humiyacion cu nos ta pasa aden cu Hulanda. Y pa colmo e ta duna oxigeno n'e grito di “gemeente” aki na Aruba.

Ta bisto cu interes personal y partidista ta evita pa tin un gobernacion drechi basa riba principionan di Bon Gobernacion y Integridad.

Segun Booshi Wever, pa mantene un Gobierno ta prefera di cera wovo pa corpcion y dera esnan cu si ta cuestiona manera e ex-miembro di den Parlamento Daphne Lejeuz y recientemente sra. Lopez-Tromp kende a publica e bagamunderianan cu tabata sosode den Serlimar, alegando y enfatisando cu loke el a haci ta simpelmente sigui loke ta para den e “acuerdo di gobernacion” di e coalicion POREDmep, referiendo aki na loke ta concerni e reglanan di Good Governance y Integridad!

E “ALGEMEEN REGERINGSBELEID” aki, ta haci e problema di POR un problema di e Gabinete Wever-Croes tambe y di henter coalicion, si enberdad nan ta para p'e principionan aki. Aki ta unda cu e Prome Minister mester scoge entre para tras di e maneho aki of keda sostene bagamunderia.

For di unda Otmar Oduber a logra acumula asina tanto poder riba e partido geel, mientras den pasado tabata existi un relacion malo cu integrantenan prominente di e partido?

E poder aki ta bin dor di placa acumula y interesnan agrupa!

Durante su trayectoria politico den AVP el a percura pa acumula hopi placa, procedente di sponsornan influente. Esaki a permiti'e tambe lanta un partido y core un campana miyonario den un tempo cortico, adkiriendo candidatonan cu basta voto den eleccionnan anterior, manera un Andin Bikker, cu su pasenshi a cuminsa caba, ya cu e no por bira Minister y tambe Marisol Lopez-Tromp di un trayectoria largo den politica.

Desde formacion di coalicion POREDmep, POR tabatin e poder total. Nada no por a para Minister Otmar Oduber y ningun hende den coalicion tabatin e pudor di cuestiona su maneho. A permiti'e desangra Serlimar, “overrule” Minister di Turismo (cu diripiente a bira primo) pa por bin cu un hotel na Sero Colorado. A “sjoemel” un destaho pa faborece e compania di seguridad di su colega di partido Alan Howell, p'e por keda opera na Dump. Porcierto ora a kita e contrato “per direct” e NO a demanda Serlimar, mientras den e raport financiero e suma di e contrato aki NI ta aparece. Un contrato cu porcierto Ricardo Croes di RED a usa contra Alan Howell, pero pa bienestar partidista a baha cabes y a sigui apoya e bagamunderianan den Serlimar.

Asina aki e tambe a consenti e actonan bochornoso di e ex-Minister. Otro caso cu no a tende nada di dje t'esun di bendemento di kavel durante e periodo di Carnaval, unda un miembro di POR tabata envolvi. Pakico? Pa evita mas escandolo? Cu un record asina kico nos lo tin cu pensa riba henter e “bon intencion” di nos Prome Minister pa loke ta trata “integridad” y “integriteitskamer”?

A pesar cu Minister Lopez-Tromp den Parlamento a sostene e maneho corrupto di e ex-Minister, esaki no tabata suficiente pa permiti un atake frontal contra integridad di Minister Lopez-Tromp, kende obviamente no tabatin e intencion di sigui “al pie de la letra” e instruccionnan di Otmar Oduber.

Pa UPP ta hopi cla cu e Minister lo no por carga e responsabilidad y wordo tilda di ta complice di tur loke el a hereda di Minister Otmar Oduber, ya cu sigur su actonan a surpasa tur limite di integridad.

Nos ta spera cu nada stroba e berdad sali na cla. Y cu TUR esnan cu a prefera di “PARA WAK” y a permiti p'e ex-Minister masakra e compania estatal, comprende cu nan ta co-responsabel y cu nan tin e deber di defende e compania estatal cu tin derecho di existencia.

Tanto Parlamento “NOBO y DIFERENTE”, ATIA como sindicatonan tampoco no por laba man y nan tambe mester wordo poní responsabel pa loke nan a permiti pasa den Serlimar. Den e proximo dianan pueblo di Aruba lo bay haya sa si e palabra “INTEGRIDAD” ta conta realmente of ta solamente un grito populista, lider di UPP, Booshi Wever a conclui.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: “*Ami Kier Abona*”

Like nos riba facebook

Keda “up to date” y like nos riba facebook

www.facebook.com/awemainta



Subi riba nos website

www.awemainta.com

AWEMainta completamente

DIGITAL

NOS KIER PA TURISTA NO BIN ARUBA MAS?

Aruba ta bai hasi obligatorio pa tin un seguro di COVID-19 ora un turista ta bin Aruba y e mester sera e seguro aki promer cu e bin Aruba, cual ora e turista mester bai pa subi (upload) su ED y e lo worde manda na un link automaticamente pa tuma e seguro aki for di un compania di seguro na Aruba mes, cu lo costa segun Minister di Turismo \$15.- Dollar Americano pa cada dia cu nan ta aki na Aruba.

Awor un famia di 4 cu ta bin Aruba pasa nan vacante familiar pa 7 dia na Aruba, mester bai paga un seguro cu lo costa nan:

4 X \$15.- X 7 Dia = \$420.- tambe si nan no a hasi un COVID-19 test na Merca nan cada uno mester hasi un Rapid COVID-19 test na Aruba cu lo costa cada uno \$75.- y esaki lo bai costa e famia di 4 aki 4 X \$75.- Dollar Americano = \$300.- Dollar Americano.

Pues promer cu e famia di 4 aki cuminsa nan vacante na Aruba nan mester gasta \$420.- + \$300.- = \$720.-

Tin famia di 4 cu ta bin keda den timesahre cu nan tin pa 2 siman of mas, na seguro di COVID-19 so nan lo tin un gasto kedando 14 dia di \$840.- mas e \$300.- di Rapid COVID test = \$1140.- Dollar promer cu nan cuminsa nan vacante.

Nos tpregunta ta, cuento turista lo ta dispuesto pa paga esaki si nan conta e resto di gasto nan cu nan lo tin, hotel, cuminda , transporte, recreacion, bebita etc etc mirando cu ya tin un gasto subas-tancial caba cu no tabata tin promer y nos tur sa cu turista nan tabata keha caba cu Aruba a bira hopi caro.

Un pregunta cu lo ta hopi interesante pa sa ta, cua compania di seguro a haya e negoshi lucrativo aki pa sigura e turista nan pa COVID-19, tin mas cu un compania di seguro of ta obliga turista pa tuma for di un compania so of lo tin un broker?, pasobra rumor nan fuerte ta bai rond cu ta un director di un compania casa di un Minister a haya e monopolio aki di ta broker of e compania di seguro, supuestamente e compania of broker aki su nomber ta cuminsa cu un T.

Pero laga nos hasi e som ta con lucrativo e negoshi aki lo ta, teniendo na cuenta cu ta worde bisa cu nos lo haya 40% di e cifra nan di turista cu nos sa haya normal na Aruba pa año, cual ta mas cu 1 miyon turista.

40% di 1 miyon ta 600.000 turista pa año, pues nos lo tuma averahe di 7 anochi pa e 600.000 turista nan aki, cual ta 4.200.000 (4 miyon 200 mil dia), cua tur mester tuma e seguro aki di COVID-19 pa \$15.- pa dia, e compania di seguro aki pa año lo haya pasobra e ta obligatorio \$63.000.000.- Dollar Americano, ese ta 63 miyon Dollar Americano sigura pa año, cual na Afl.1.75 ta pa año Afl. 110.250.000.- (110 miyon 250 mil Florin) Arubiano pa año, awor ta kende a haya e negoshi lucrativo aki, ta berdad ta un compania caminda casa di un Minister ta director ? tabata tin destaho publico camin-da tur compania di seguro por a aplica, local y internacional pa wak si por a reduci e suma di \$15.- pa asina e turista su gasto nan ta menos ora di bin Aruba?

Ta bai cobra \$75.- Dollar pa cada rapid test di COVID-19, mientras na India bo por haya un rapid test di COVID-19 pa \$13.- Dollar na e siguiente website <https://www.indiamart.com/proddetail/covid-19-test-kit-22241092362.html>, awor pakiko nos ta bai cobra e turista \$75.- pa e test kende ta ganando e placa aki?

Ta worde bisa cu na Hulanda e test costa \$25.- Dollar Americano, pues \$75.- kita \$25.- ta resta \$50.- Dollar Americano, 40% turista pa año for di 1 miyon ta 600.000 turista X \$50.- = \$30.000.000.- Dollar Americano, e 30 miyon Dollar aki di ganashi ta pa kende e ta bai?

Esaki na florin ta suma 30.000.000.- X Afl. 1.75 = Afl. 52.500.000.- pa año, esaki ta 40%

Pesei e pregunta cu nos ta hasi ta “**NOS KIER PA TURISTA NO BIN ARUBA MAS?** ”